



Eau discuor rumauntsch!

Vuless Ella/El musser ch'Ella/El ho imprains rumauntsch?

A partir dal 2021 po Ella/El lascher examiner Sias cugnuschentschas da rumauntsch. Que do examens i'ls idioms sursilvan, sutsilvan, surmiran, puter e vallader – ed in rumantsch grischun.

Che nivels do que?

A do examens a buocha sùls nivels A2 e B1 ed examens in scrit sùls nivels A1 ed A2. Que's po absolver differents nivels a buocha ed in scrit. Sch'üna persuna discuorra per exaimpel già fluidamaing rumauntsch, nu so però ler u sriver uschè bain, schi pudess ella s'annunzcher per l'examen a buocha sül nivel B1 e per l'examen in scrit sül nivel A1 ubain A2.

A chi as drizza l'examen?

L'examen as drizza a tuot las persunas interessedas chi haun imprains rumauntsch, ün idiom u rumantsch grischun, in ün cuors u i'l minchadi, e chi vulessan lascher examiner lur cugnuschentschas linguisticas.

L'examen es eir arcuntschieu per las proceduras uffielas in connex cun la natüralisaziun, il permiss da dmura u il permiss da domicil:

- Sch'üna persuna vuless absolver l'examen per la natüralisaziun, stu ella fer ils examens sùls nivels B1 a buocha ed A2 in scrit.
- Pel permiss da domicil (C) voul que ils nivels A2 a buocha ed A1 in scrit.
- Pel permiss da dmura (B) voul que il nivel A1 a buocha.

Cu es structuro l'examen?

Ella/El ho il prüm ün discuors cun duos expertas. Il discuors düra 10-15 minuts. Alura fo Ella/El duos lezchas in scrit. Que's tratta da lezchas dal minchadi; Ella/El nu's stu preparer specielmaing per quellas. In tuot vo l'examen circa ün'ura.

Do que ün certificat?

Sch'Ella/El passa l'examen, survain Ella/El ün **passaport da las linguas**. Il passaport da las linguas vain emiss per incumbenza dal Secretariat da stedi per la migraziun SEM ed es arcuntschieu scu cumprova linguistica in proceduras per survgnir il permiss da domicil e da dmura ed il vschiedi.

Cura ed inua as po absolver ils examens?

Ils examens haun lö duos voutas l'an a Cuira. Las datas d'examen vegnan publicheadas sülla pagina d'internet da fide e sün www.curs.ch.

Ella/El po teles-charger il formuler d'annunzcha da las paginas d'internet u puster il formuler via e-mail: rumantsch@fide-info.ch. Sch'Ella/El drouva ulteriuras infurmaziuns, schi ch'Ella/El ans trametta p.pl. ün e-mail a quista adressa e nus respundains a Sias dumandas in scrit u per telefon.

fide 
rumantsch

Examen da rumauntsch

(puter)

Secretariat fide
Haslerstrasse 21
3008 Berna
031 351 12 12
info@fide-info.ch
www.fide-info.ch

Lia Rumantscha
Via da la Plessur 47
7000 Cuira
081 258 32 22
curs@rumantsch.ch
www.curs.ch